



Tusarniaaneq- 2026-mi raajat pisarineqarsinnaasut tamarmiusut

Tusarniaanermut akissuteqaat Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmut, kalaallisut danskisullu, **kingusinnerpaamik ulloq 14-11-2025 nal. 16.00** nassiunneqareersimassaaq.

Takussutissiaq 1: 2026-mi Kalaallit Nunaata kitaani Tunumilu raajat pillugit pisarineqarsinnaasunut tamarmiusunut siunnersuut

	2025-mut siunnersuineq	2026-mut siunnersui- neq	2025-mut pisassiissutit	2026-mi pisassiissutis- satut siunnersuut
Raajat				
Kalaallit Nunaata kitaa (tons-inngorlugit)	80.000	75.000	83.125	75.000
Tunu (tons-it)	1.000	291-3.000*	7.550	7.000

*Siunnersuinerminni saqqummiunneqartut, pisat amerlassusiisa akuttoqatigiissinnerat.

Kalaallit Nunaata kitaa

Ilisimatuussutikkut siunnersuinerup innersuussutigaa, 2026-mi Kalaallit Nunaata kitaani pisat 75.000 tons-it sippussanngikkaat, tamanna 2025-mit 5.000 tons-inik ikileriaataavoq. Siunnersuinerup takutippaa, peqassutsit ikiliartorlutillu pisarineqartartut akuttoqatigiinnerat appariartortoq. Taamaattoq tamanna avataata imartaani atuuttoorpasippoq, paarlattuani sinerissap qanittuani imartani peqassuseqarneq amerliartorsimapput. Tamatuma ilutigisaanik aalisarnermi raajaaqqat tulerlaat ikiliartorsimapput taakku oqaluttuarisaanermi aatsaat taama ikitsigaat, tamanna siunissami peqassutsimut pitsaanngitsumik kinguneqarsinnaalluni.

Ukiut kingulliit marluk ingerlaneranni peqassuseq pitsaanerpaaffigisinnaasami ataani inissisimasimavoq (B_{msy}). Peqassuseq B_{msy} -ip 75 %-ianit ikinnerulissappata, $B_{trigger}^1$ -ip ataaniilissaaq. Taamaattoq peqassuseq B_{lim}^2 -ip ataaniilersinnaanissaanut periarfissaarannguaq (<1%) suli piussaaq.

[Kalaallit Nunaata kitaani raajarniarluni aalisarnermi aqutsinissamut pilersaarut](#)³ aallaavigalugu Aalisarnermut, Piniarnermut, Nunalerinermut Imminullu Pilersornermut Naalakkersuisoqarfiup siunnersuutigaa, pisarineqarsinnaasut tamarmiusut 75.000 tons-iunissaat aalajangersarneqassasoq. Taakku 2025-imi siunnersuineranut sanilliullugu 10 %-inik ikililinerupput. Taamaalluni aqutsinissamut pilersaarummut aamma ilisimatuussutikkut siunnersuinermut, pisarineqarsinnaasut tamarmiusut aalajangersarneqarnerat naapertuuttunngorpoq.

¹ Aqutsinermut atortorisaaq $B_{trigger}$, tassaavoq aalisagaqatigiit amerlassuseqarneranni amerlassutsimik aalajangersimasumik nassuiaasuusoq. $B_{trigger}$ taamaasilluni B_{msy} 75 %-iatut inissinneqarpoq.

² Killissarititaaq B_{lim} , tassaavoq aalisakkat amerlassusiannik matumani aalisagaqatigiinnik nungusaataanngitsumik aalisartoqarnissaanut tukertartut ikippallaarnerannik nassuiaasuusoq. B_{lim} piujuartitsinermik tunngaveqarluni amerlanerpaanik pissarsisarnissap 30 %-iatut taaneqarpoq.

³ Aqutsinissamut pilersaarut 31. december 2025-mi naassaaq. Nutarterneqarnera 1. januar 2026-mi atuutilissaaq. Aqutsinissamut pilersaarutit marluusut, siuliani taaneqartumik siunnersuummik ilaqartinneqassapput.

Tunu

2026 aallernerfigalugu siunnersuinnermut periuseq nutaaq NAFO⁴-mit tunniunneqartoq atulernikuuvoq, matumani pisat amerlassutsimikkut aalajangersimasuunissaannik ilaqartumik siunnersuinnermik tunniussisassanngillat, paarlattuanilli pisaqarnernik assigiinngiiaartunik arlalinnik taakkulu aalisagaqatigiit ineriartornerannut aarlerinaataannik saqqummiussisalerlutik. Pisarineqarsinnaasunik tamarmiusunik aalajangersaanissami taamaalilluni aarlerinaat qanoq angitigisoq atorineqassanersoq aalajangiiffiqineqassaaq. Siunnersuinnermi pisat amerlassusissaat 291-3.000 tons-it akornanniissasut aamma amerlassutigineqartunut tamanut attuumassutillit aarlerinaatit saqqummiunneqarput.

NAFO-p peqassuseq mianernartumiittutut nalilerpai, tamanna isumaqarpoq aalisagaqatigiiaat B_{trigger}-imit ikinnerusut.

Pisat 2.500 tons-it sinnersimagaangatigit, aalisagaqatigiiaat 30 %-iinit amerlanerusut 2026-mi aarlerinartorujussuarmiilissapput, tamannalu isumaqarpoq peqassuseq Blim.-imimit ikinnerulissasut. Pisat 500 tons-iuppata, B_{lim}-ip 10%-ianit ikinnerusumiilernissaat ilimanaateqarpoq.

Taamaattoq Tunumi peqassuseq pillugit ilisimasat sulii ikittunnguupput, taamaattumillu siunnersuineq aamma nalorninerujussuarmik ilaqarpoq. Tamanna aallaavigalugu, nalornissutigisat aamma EU-mut aalisarneq pillugu peqatigiinnissamik isumaqatigiissut mianeralugit, pisassiissutit 7.000 tons-iunissaat aalajangersarneqassasoq siunnersuutigineqarpoq.

⁴ Northwest Atlantic Fisheries Organisation